

აჭარის ავტონომიური რესპუბლიკის განათლების, კულტურისა და
სპორტის სამინისტროს საქვეუწყებო დაწესებულება
სპორტისა და ახალგაზრდობის საქმეთა დეპარტამენტი



სპორტული ინვენტარის სახელმწიფო შესყიდვის შესახებ
ელექტრონული ტენდერის

ს ა ტ ე ნ დ ე რ ო დ ო კ უ მ ე ნ ტ ა ც ი ა

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანების საფუძველზე

ქალაქი ბათუმი

2013 წელი

ს ა რ ზ ე ვ ი

1. ტექნიკური დოკუმენტაცია-----	3
2. სახელმწიფო შესყიდვის შესახებ ხელშეკრულების პროექტი-----	5
3. დანართი №1 – ინფორმაცია ფასების და მიწოდების ვადების შესახებ-----	9
4. დანართი №2 – ინფორმაცია ტექნიკური მახასიათებლების და პარამეტრების შესახებ-----	11
5. დანართი №3 – პრეტენდენტის მიერ წარმოსადგენი რეკვიზიტების ჩამონათვალი-----	14
6. დანართი №4 – აფიდავიტის საილუსტრაციო ფორმა-----	15

ტექნიკური დოკუმენტაცია

1. საკვალიფიკაციო მოთხოვნები:

პრეტენდენტმა უნდა წარმოადგინოს საკვალიფიკაციო მონაცემების დამადასტურებელი შემდეგი დოკუმენტები:

1.1. იურიდიულმა პირმა:

ა) ცნობა მეწარმეთა და არასამეწარმეო (არაკომერციული) იურიდიულ პირთა რეესტრიდან;

ბ) ცნობა საქართველოს საჯარო რეესტრის ეროვნული სააგენტოდან, იურიდიული პირის ქონებაზე საჯარო სამართლებრივი შეზღუდვის (ყადაღის) არარსებობის შესახებ;

გ) ცნობა საგადასახადო ორგანოდან ბიუჯეტისადმი დავალიანების არქონის შესახებ.

1.2. მეწარმე ფიზიკურმა პირმა:

ა) ცნობა მეწარმეთა და არასამეწარმეო (არაკომერციული) იურიდიულ პირთა რეესტრიდან;

ბ) ცნობა საქართველოს საჯარო რეესტრის ეროვნული სააგენტოდან, იურიდიული პირის ქონებაზე საჯარო სამართლებრივი შეზღუდვის (ყადაღის) არარსებობის შესახებ;

გ) ცნობა საგადასახადო ორგანოდან ბიუჯეტისადმი დავალიანების არქონის შესახებ.

1.2. ფიზიკურმა პირებმა

ცნობა საგადასახადო ორგანოდან ბიუჯეტის წინაშე დავალიანების არარსებობის შესახებ.

1.3. ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემული უნდა იყოს სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-12 მუხლის მე-7 პუნქტის „ბ“ ქვეპუნქტის შესაბამისად.

1.4. პრეტენდენტის მიერ დაზუსტებული ტექნიკური დოკუმენტაციისა და საკვალიფიკაციო მონაცემების დამადასტურებელი დოკუმენტების ასლების წარმოდგენა შემსყიდველ ორგანიზაციაში ხდება სისტემის მეშვეობით. ამ მუხლის მე-8 პუნქტით გათვალისწინებულ შემთხვევაში საკვალიფიკაციო მონაცემების დამადასტურებელი დოკუმენტების საქართველოს კანონმდებლობით დადგენილი ფორმით წარმოდგენის ვალდებულება პრეტენდენტს წარმოემოხა ხელშეკრულების ხელმოწერის მომენტისათვის. პრეტენდენტის მიერ ხელშეკრულების ხელმოწერის მომენტისათვის საკვალიფიკაციო მონაცემების დამადასტურებელი დოკუმენტების საქართველოს კანონმდებლობით დადგენილი ფორმით წარმოდგენლობა გამოიწვევს მის დისკვალიფიკაციას ამ წესის მე-13 მუხლის მე-2 პუნქტის „ე“ ქვეპუნქტისა და მე-16 მუხლის მე-6 პუნქტის „გ“ ქვეპუნქტის საფუძველზე.

2. შესყიდვის ობიექტის ტექნიკური აღწერილობა

იხ. დანართი 2.

3. შესყიდვის ობიექტის მიწოდების ვადა და ადგილი

3.1. არაუგვიანეს 2013 წლის 15 სექტემბრისა

3.2. სპორტული ინვენტარის მიწოდება უნდა მოხდეს ქ. ბათუმში შემსყიდველთან შეთანხმებით.

4. ანგარიშსწორების პირობები

4.1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

4.2. ანგარიშსწორება მოხდება უნაღდო ანგარიშსწორებით ლარში.

4.3. ანგარიშსწორება მოხდება მიღება-ჩაბარების აქტის გაფორმებიდან 20 (ოცი) დღის განმავლობაში.

4.4. წინასწარი გადახდის მექანიზმის გამოყენების შემთხვევაში მიმწოდებელი ვალდებულია წარუდგინოს შემსყიდველ ორგანიზაციას წინასწარ გადასახდელი თანხის შესაბამისი ოდენობის საავანსო საბანკო გარანტია, რომლის მოქმედების ვადა ერთი თვით უნდა აღემატებოდეს საქონლის მიწოდების ვადას. ამასთან პრეტენდენტის მიერ ავანსის მოთხოვნის შემთხვევაში ავანსის ოდენობა, რომელიც გამოსახული უნდა იყოს პროცენტებში, არ უნდა აღემატებოდეს სახელშეკრულებო ფასის 30%. დარჩენილი 70% ანაზღაურდება ეტაპობრივად მიღება-ჩაბარების აქტის გაფორმებიდან 20 კალენდარული დღის განმავლობაში.

4.5. შემსყიდველის მიერ გადახდილი 30%-ის ოდენობის საავანსო საბანკო გარანტიის თანხის წილობრივი გათავისუფლება განხორციელდება აღნიშნული პროცენტის პროპორციულად შესრულებული სამუშაოების დამადასტურებელი მიღება-ჩაბარების აქტის საფუძველზე, რის შედეგადაც საავანსო საბანკო გარანტია უბრუნდება მიმწოდებელს მოთხოვნისთანავე.

5. ხელშეკრულების შესრულების უზრუნველყოფის საბანკო გარანტია

5.1. ტენდერში გამოყენებული იქნება ხელშეკრულების შესრულების უზრუნველყოფის საბანკო გარანტია, ხელშეკრულების საერთო ღირებულების 4%-ის ოდენობით.

5.2. ხელშეკრულების შესრულების უზრუნველყოფის საბანკო გარანტიის მოქმედების ვადა 30 (ოცდაათი) კალენდარული დღით უნდა აღმატებოდეს ხელშეკრულების მოქმედების ვადას.

6. პრეტენდენტს უნდა გააჩნდეს სპორტულ სფეროში მოღვაწეობის არანაკლებ 4 წლიანი გამოცდილება (ბოლო 4 წლის განმავლობაში გაფორმებული ხელშეკრულებების რეესტრი). პრეტენდენტმა უნდა ატვირთოს ინფორმაცია 2011-2012 წლების განმავლობაში განხორციელებული სპორტული ინვენტარის (სპორტული საქონლის) მიწოდების თაობაზე (წარმოდგენილი უნდა იყოს სპორტული ინვენტარის (სპორტული საქონლის) მიწოდების დამადასტურებელი დოკუმენტების ასლები, კერძოდ: მიღება-ჩაბარების აქტი ან და ორმხრივად ხელმოწერილი დოკუმენტი, საიდანაც დადასტურდება სპორტული ინვენტარის (სპორტული საქონლის) მიწოდება, რომელთა ჯამური ღირებულება არ უნდა იყოს 700 000 (შვიდასი ათასი) ლარზე ნაკლები.

7. სახელმწიფო შესყიდვების ერთიან ელექტრონულ სისტემაში პრეტენდენტმა უნდა ატვირთოს მე-6 პუნქტით გათვალისწინებული დოკუმენტაცია, ასევე დანართი N1, დანართი, N2 დანართი N3.

8. შესყიდვის განხორციელებასთან დაკავშირებული სხვა პირობები განსაზღვრულია სახელმწიფო შესყიდვების შესახებ ხელშეკრულების პროექტით.

9. დამატებითი ინფორმაცია დაინტერესებულ პირებს შეუძლიათ მიიღონ შემდეგი პირისაგან – სატენდერო კომისიის აპარატის წევრი ნიკოლოზ მეგრელიშვილი - 593 32 50 89, ქალაქი ბათუმი, ლადო გუდიაშვილის №4.

ხ ე ლ შ ე კ რ უ ლ ე ბ ა

სახელმწიფო შესყიდვის შესახებ №

ქალაქი ბათუმი

2013 წელი

ერთის მხრივ აჭარის ავტონომიური რესპუბლიკის განათლების, კულტურისა და სპორტის სამინისტროს საქვეუწყებო დაწესებულება სპორტისა და ახალგაზრდობის საქმეთა დეპარტამენტის (შემდგომში „შემსყიდველი“), უფროსის ----- სახით და მეორეს მხრივ ----- (შემდგომში „მიმწოდებელი“), წარმოდგენილი ----- სახით, „სახელმწიფო შესყიდვების შესახებ“ საქართველოს კანონის და პრეტენდენტის (დასახელება) სატენდერო წინადადების საფუძველზე, შემსყიდველის მიერ ჩატარებული ელექტრონული ტენდერის შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებული ტერმინების განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომ „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება მასზე თანდართული ყველა დოკუმენტითა და დამატებებით, რომელიც ხელმოწერილია მხარეთა მიერ;
- 1.2. „ხელშეკრულების ღირებულება“ - ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ;
- 1.3. „შემსყიდველი“ - ორგანიზაცია, რომელიც ახორციელებს შესყიდვას;
- 1.4. „მიმწოდებელი“ - პირი, რომელიც ახორციელებს საქონლის მიწოდებას მოცემული ხელშეკრულების ფარგლებში;
- 1.5. „დღე“, „კვირა“, „თვე“ - კალენდარული დღე, კვირა, თვე;
- 1.6. „საქონელი“ - ხელშეკრულების მე-2 მუხლით გათვალისწინებული ხელშეკრულების საგანი;
- 1.7. „ინფორმაცია ფასების და მიწოდების ვადების შესახებ“ - მიმწოდებლის მიერ ელექტრონული ტენდერის ფარგლებში წარმოდგენილი „ინფორმაცია ფასების და მიწოდების ვადების შესახებ“, რომელიც თან ერთვის ხელშეკრულებას და წარმოადგენს მის განუყოფელ ნაწილს.
- 1.8. „ინფორმაცია ტექნიკური მახასიათებლებისა და პარამეტრების შესახებ“ - მიმწოდებლის მიერ ელექტრონული ტენდერის ფარგლებში წარმოდგენილი „ინფორმაცია ტექნიკური მახასიათებლებისა და პარამეტრების შესახებ“, რომელიც თან ერთვის ხელშეკრულებას და წარმოადგენს მის განუყოფელ ნაწილს.

2. ხელშეკრულების საგანი

- 2.1. ხელშეკრულების საგანია სპორტული ინვენტარის შესყიდვა (CPV 37400000)
- 2.2. საქონლის ზუსტი დასახელება, რაოდენობა და ერთეულის ფასი განსაზღვრულია ფასების და მიწოდების ვადების შესახებ და ტექნიკური მახასიათებლებისა და პარამეტრების შესახებ ინფორმაციაში.

3. ხელშეკრულების ღირებულება

- 3.1. ხელშეკრულების ღირებულება შეადგენს ----- (-----) ლარს.
- 3.2. საქონლის ერთეულის ღირებულება განსაზღვრულია ფასების და მიწოდების ვადების შესახებ ინფორმაციით.
- 3.3. ხელშეკრულების ღირებულება მოიცავს ხელშეკრულებით გათვალისწინებული საქონლის ხელშეკრულებით განსაზღვრული პირობებით მიწოდებასთან დაკავშირებულ მიმწოდებლის ყველა სავარაუდო ხარჯს და საქართველოს კანონმდებლობით გათვალისწინებულ ყველა გადასახადს, რომელთა გადახდაზეც პასუხისმგებელია მიმწოდებელი.
- 3.4. გამომდინარე იქედან, რომ სატენდერო წინადადება წარმოდგენილი უნდა იქნას დღე-ს გათვალისწინებით, იმ შემთხვევაში თუ პრეტენდენტი არ იქნება დღე-ს გადამხდელი, ანგარიშსწორებისას გადასახდელი თანხა შემცირდება დღე-ს თანხის ოდენობით.

4. საქონლის მიწოდების პირობები

- 4.1. საქონლის მიწოდებას მიმწოდებელი უზრუნველყოფს ხელშეკრულების გაფორმების თარიღიდან არაუგვიანეს 2013 წლის 15 სექტემბრისა.
- 4.2. საქონლის მიწოდებას მიმწოდებელი უზრუნველყოფს საკუთარი ხარჯებით.
- 4.3. საქონლის მიწოდების ადგილია ქალაქი ბათუმი, აჭარის ავტონომიური რესპუბლიკის განათლების, კულტურის და სპორტის სამინისტროს საქვეუწყებო დაწესებულება სპორტისა და ახალგაზრდობის საქმეთა დეპარტამენტთან შეთანხმებით.

5. საქონლის მიღება-ჩაბარების წესი

- 5.1. საქონლის მიღება-ჩაბარებას ახორციელებენ სათანადოდ უფლებამოსილი პირები.
- 5.2. შემსყიდველის მხრიდან საქონლის მიღება-ჩაბარებაზე უფლებამოსილია ხელშეკრულების შესრულების კონტროლის განმახორციელებელი პირები.
- 5.3. საქონელი ჩაითვლება მიღებულად მხოლოდ მიწოდებული საქონლის რაოდენობის, ღირებულების და ტექნიკური მახასიათებლების მითითებით შედგენილი მიღება-ჩაბარების აქტის გაფორმების შემდეგ.

5.4. საქონლის მიღება შესაძლებელია განხორციელდეს ეტაპობრივად.

5.5. შემსყიდველმა უნდა შეამოწმოს საქონელი ხელშეკრულების პირობებთან მიმართებაში.

5.6. თუ საქონელი არ შეესაბამება ხელშეკრულების პირობებს, შემსყიდველი მიმწოდებელთან ერთად, ან მის გარეშე, ადგენს აქტს დადგენილი წესის შესაბამისად.

5.7. შემსყიდველი ვალდებულია ოპერატიულად, წერილობითი სახით აცნობოს მიმწოდებელს შემოწმების შედეგები, დაწუნებული საქონლის რაოდენობისა და წუნდების მიზეზის მითითებით.

6. ანგარიშსწორების ფორმა, წესი და ვადები

6.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ხელშეკრულებით გათვალისწინებულ რეკვიზიტებზე ეროვნულ ვალუტაში.

6.2. შემსყიდველი ანგარიშსწორებას ახორციელებს მიმწოდებლის მიერ ხელშეკრულების 5.3. მუხლით განსაზღვრული წესით შედგენილი მიღება-ჩაბარების აქტის შესაბამისად შევსებული სასაქონლო ზედდებულის ან/და საგადასახადო ანგარიშ-ფაქტურის წარმოდგენიდან 20 სამუშაო დღის განმავლობაში.

6.3. მიმწოდებელი ვალდებულია წარმოდგენილ სასაქონლო ზედდებულზე ან/და საგადასახადო ანგარიშ-ფაქტურაზე მიუთითოს ყველა საჭირო რეკვიზიტი. წინააღმდეგ შემთხვევაში, შემსყიდველს უფლება აქვს არ მიიღოს დოკუმენტი.

6.4. წინასწარი გადახდის მექანიზმის გამოყენების შემთხვევაში მიმწოდებელი ვალდებულია წარუდგინოს შემსყიდველ ორგანიზაციას წინასწარ გადასახდელი თანხის შესაბამისი ოდენობის საავანსო საბანკო გარანტია, რომლის მოქმედების ვადა ერთი თვით უნდა აღემატებოდეს საქონლის მიწოდების ვადას. ამასთან, პრეტენდენტის მიერ ავანსის მოთხოვნის შემთხვევაში, ავანსის ოდენობა რომელიც გამოსახული უნდა იყოს პროცენტებში, არ უნდა აღემატებოდეს ხელშეკრულების ღირებულების 30%-ს. დარჩენილი 70% ანაზღაურება მოხდება ეტაპობრივად მიღება-ჩაბარების აქტის გაფორმებიდან 20 კალენდარული დღის განმავლობაში.

7. ხელშეკრულების შესრულების უზრუნველყოფის საბანკო გარანტია

7.1. საავანსოდ გადასახდელი თანხის, ხელშეკრულების შესრულების უზრუნველყოფისათვის გამოიყენება საქართველოს ეროვნული ბანკის მიერ ლიცენზირებული კომერციული ბანკის ან სადაზღვევო კომპანიის მიერ გაცემული გარანტიები.

7.2. ხელშეკრულების შესრულების უზრუნველყოფის მიზნით, მიმწოდებლის მიერ წარმოდგენილი ხელშეკრულების ღირებულების 4%-იანი საბანკო გარანტია გამოიყენება ნებისმიერი ზარალის ანაზღაურების მიზნით, რომელიც მიაღდება შემსყიდველს მიმწოდებლის მიერ ხელშეკრულების პირობების შეუსრულებლობის ან არასრული შესრულების გამო.

7.3. მიმწოდებელი ვალდებულია საბოლოო ანგარიშსწორებამდე შემსყიდველის მოთხოვნიდან 5 დღის ვადაში წარმოადგინოს საგარანტიო პერიოდში ნაკისრი ვალდებულების შესრულების უზრუნველყოფის საბანკო გარანტია 10000 ლარზე, რომლის მოქმედების ვადა უნდა იყოს მინიმუმ ერთი წელი საბოლოო მიღება-ჩაბარების აქტის გაფორმების დღიდან. წინააღმდეგ შემთხვევაში მიმწოდებელთან ხელშეკრულების მოქმედება ცალმხრივად შეწყდება და დარჩენილი ნაწილის ანგარიშსწორება აღარ განხორციელდება, რაზედაც მიმწოდებელს შემდგომში არ ექნება პრეტენზია.

7.4. ხელშეკრულების შესრულების უზრუნველყოფისა და ავანსად გადასახდელი თანხის უზრუნველყოფის გარანტიის მოქმედების ვადა მინიმუმ 30 დღით უნდა აღემატებოდეს ხელშეკრულების მოქმედების ვადას.

8. გარანტია

8.1. მიმწოდებლის მიერ ხელშეკრულებით განსაზღვრული მიწოდებული საქონლის ხარისხი უნდა შეესაბამებოდეს ხელშეკრულებით განსაზღვრულ პირობებს და არსებულ სტანდარტებს.

8.2. 8.1. პუნქტში აღნიშნული პირობებიდან გადახვევის შემთხვევაში, შემსყიდველი უფლებამოსილია არ მიიღოს საქონელი ან/და მიმწოდებლის მიმართ გამოიყენოს ამ ხელშეკრულებით და საქართველოს კანონმდებლობით გათვალისწინებული ზომები.

9. ხელშეკრულების შესრულების კონტროლი

9.1. შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს ხელშეკრულების შესრულების კონტროლი.

9.2. შემსყიდველის მხრიდან ხელშეკრულების შესრულების კონტროლს ახორციელებს დეპარტამენტის მიერ განსაზღვრული კონტროლის განმახორციელებელი ჯგუფი.

9.3. ხელშეკრულების შესრულების კონტროლი ხორციელდება სისტემატიურად, შემსყიდველის შეხედულებისამებრ.

9.4. კონტროლი ხორციელდება როგორც შუალედური ფორმით – საქონლის მიწოდების პროცესში, ისე მისი დამთავრების შემდგომ, მიღება-ჩაბარებისას.

9.5. მიმწოდებელი ვალდებულია საკუთარი ხარჯით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

10. მხარეთა პასუხისმგებლობა ხელშეკრულების პირობების შეუსრულებლობისათვის

10.1. ხელშეკრულებით ნაკისრი ვალდებულებების შესრულების ვადების გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0.01 პროცენტის ოდენობით.

10.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10 პროცენტს, შემსყიდველს უფლება აქვს შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

10.3. პირგასამტეხლოს გადახდა არ ათავისუფლებს მხარეს ხელშეკრულებით განსაზღვრული ძირითადი ვალდებულებების შესრულებისაგან.

11. დაუძლეველი ძალა

11.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში მხარე ვალდებულია მეორე მხარეს აცნობოს ვალდებულებების შესრულების შეუძლებლობის შესახებ.

11.2. ამ მუხლის მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი.

11.3. თუ მხარე დაუძლეველი ძალის გამო ვერ ასრულებს ვალდებულებებს, მან ამის შესახებ დაუყოვნებლივ, არაუგვიანეს მომდევნო სამუშაო დღისა წერილობით უნდა აცნობოს მეორე მხარეს აღნიშნული გარემოების დადგომის (დასრულების) შესახებ.

11.4. 11.3. მუხლით განსაზღვრული ვალდებულების შეუსრულებლობის შემთხვევაში, მხარე არ გათავისუფლდება ხელშეკრულებით ნაკისრი ვალდებულებებისაგან.

11.5. მხარეთა ვალდებულებები და პასუხისმგებლობა განახლდება დაუძლეველი ძალის მოქმედების დასრულებისთანავე.

12. ხელშეკრულებაში ცვლილებების შეტანა

12.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.

12.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

12.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

12.4. თუ რაიმე წინასწარ გაუთვალისწინებელის მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

13. ხელშეკრულების შეწყვეტა

13.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) საქართველოს კანონმდებლობით გათვალისწინებულ სხვა შემთხვევებში.

13.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

13.3. ხელშეკრულების 13.1 მუხლში მითითებულ შემთხვევებში შემსყიდველი ვალდებულია მიმწოდებელს აუნაზღაუროს ფაქტიურად მიღებული საქონლის ღირებულება.

13.4. შემსყიდველი ვალდებულია არანაკლებ 5 დღით ადრე წერილობით აცნობოს მიმწოდებელს 13.1. მუხლით გათვალისწინებული გადაწყვეტილების მიღების განზრახვის თაობაზე.

13.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

14. სადაო საკითხების გადაწყვეტა

14.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

14.2. შეთანხმების მიუღწევლობის შემთხვევაში, ნებისმიერ მხარეს დავის გადაწყვეტის მიზნით შეუძლია საქართველოს კანონმდებლობის შესაბამისად მიმართოს სასამართლოს.

15. სხვა პირობები

15.1. ხელშეკრულება ძალაში შედის მხარეების მიერ ხელმოწერის დღიდან.

15.2. საქონლის ან მისი ნებისმიერი ნაწილის გამოყენებისას საპატენტო უფლების დარღვევასთან, ასევე სასაქონლო მარკის ან საწარმოო ნაკეთობის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს.

15.3. მიმწოდებელმა უნდა უზრუნველყოს საქონლის ისეთი შეფუთვა, რომელიც დაიცავს მას დაზიანების ან გაფუჭებისაგან ფასებისა და მიწოდების ვადების შესახებ ინფორმაციაში მითითებულ დანიშნულების ადგილამდე ტრანსპორტირების პროცესში.

15.4. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე. მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

15.5. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15.6. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული წერილის ან ფაქსის სახით, ორიგინალის შემდგომი წარდგენით, ხელშეკრულებაში მითითებული მეორე მხარის მისამართზე. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

15.7. ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის შესრულდება ქართულ ენაზე.

15.8. ხელშეკრულება შედგენილია სამი თანაბარი იურიდიული ძალის მქონე ეგზემპლარად, რომელთაგან ორი ეგზემპლარი ინახება შემსყიდველთან და ერთი ეგზემპლარი მიმწოდებელთან.

16. ხელშეკრულების მოქმედების ვადა

16.1. ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2013 წლის 31 დეკემბრამდე.

17. მხარეთა რეკვიზიტები

შემსყიდველი:

აჭარის ა.რ. განათლების, კულტურისა
და სპორტის სამინისტროს საქვეუწყებო
დაწესებულება სპორტისა და ახალგაზრდობის
საქმეთა დეპარტამენტი
საქართველო, ქალაქი ბათუმი,
ლადო გუდიაშვილი №4
ს/კ 245631400
„ლიბერთი ბანკი“
ა/ა GE88LB0121162303587000
მფო LBRTGE22

მიმწოდებელი:

ინფორმაცია ფასების და მიწოდების ვადების შესახებ

(პრეტენდენტის დასახელება)

(შევსების თარიღი)

N	საქონლის დასახელება	ზომის ერთეული	რაოდენობა	ერთეულის ფასი	საერთო ღირებულება	მიწოდების ვადა
1	ველოსიპედი (ბაიკი, საგზატკეცილო)	ცალი	15			
2	კრივის რინგი 6X6საშეჯიბრო	ცალი	1			
3	კრივის ტომარა	ცალი	10			
4	კრივის ხელთათმანი	წყვილი	20			
5	კრივის სავარჯიშო თათი	ცალი	4			
6	საჭიდაო ხალიჩა 12X12	ცალი	4			
7	საჭიდაო ხალიჩა 10X10	ცალი	4			
8	მშვილდის კომპლექტი	ცალი	4			
9	ძალოსნობის ღერძი კომპლექტით	ცალი	4			
10	ძალოსნობის ფიცარნაგი	ცალი	4			
11	ფეხბურთის ბურთი	ცალი	100			
12	კალათბურთის ბურთი	ცალი	80			
13	რაგბის ბურთი N5	ცალი	65			
14	ფრენბურთის ბურთი	ცალი	60			
15	ხელბურთის ბურთი	ცალი	60			
16	წყალბურთის ბურთი	ცალი	20			
17	რაპირის ელექტრო ღერო საშეჯიბრო	ცალი	15			
18	რაპირის სავარჯიშო ღერო	ცალი	40			
19	დაშნის ელექტრო ღერო	ცალი	10			
20	დაშნის სავარჯიშო ღერო	ცალი	35			
21	დაშნის ელექტრო შნური	ცალი	5			
22	რაპირის ელექტრო შნური	ცალი	5			
23	ხმლის ელექტრო შნური	ცალი	5			
24	ხმლის ღერო	ცალი	30			
25	ხმლის გარდე	ცალი	10			
26	რაპირის გარდე	ცალი	10			
27	დაშნის გარდე	ცალი	5			
28	ფარიკაობის ხელთათმანი	ცალი	30			
29	დაშნის დამცავი	ცალი	10			
30	დამცავი მკერდის	ცალი	10			
31	დამცავი უნივერსალური	ცალი	10			
32	რაპირის, დაშნის სახელური	ცალი	14			
33	მუზარადი	ცალი	6			
34	რაპირის ელექტრო ქურთუკი	ცალი	10			

35	ხმლის ელექტრო ქურთუკი	ცალი	8			
36	ჩოგბურთის მაგიდა (პროფესიონალური)	ცალი	4			
37	ჩოგბურთის მაგიდა (ნახევრად პროფესიონალური)	ცალი	20			
38	ბატუტის კომპლექტი	ცალი	1			
39	ტაეკვონდოს საშეჯიბრო სისტემა	ცალი	1			
40	პროფესიონალური თხილამურები (გიგანტური და სპეციალური სლალომი)	ცალი	20			
41	ადმოსავლური ორთაბრძოლების ტატამი	ცალი	1			
42	ბალახის ჰოკეის ყვანჭი	ცალი	32			
43	ბალახის ჰოკეის ბურთი	ცალი	18			
44	ჭადრაკის დაფა ფიგურებით	ცალი	100			
45	ჭადრაკის ელექტრონული საათები	ცალი	25			
46	ჭადრაკის სადემონსტრაციო დაფა	ცალი	9			
47	სავარჯიშო ბაგირი	ცალი	7			
48	სავარჯიშო ჩუჩელა	ცალი	13			
49	ელექტრონული საათი (სამთო სათხილამურო)	ცალი	1			
50	ფიზმომზადების ტრენაჟორის კომპლექტი	ცალი	2			
51	მკლავჭიდის მაგიდა	ცალი	8			

ინფორმაცია ტექნიკური მახასიათებლების და პარამეტრების შესახებ

(პრეტენდენტის დასახელება)

(შეესების თარიღი)

N	საქონლის დასახელება	ტექნიკური მახასიათებლები	საგარანტიო ვადა
1	ველოსიპედი (ბაიკი, საგზატკეცილო)	საგზატკეცილო და სამთო უმალესი ხარისხის ველოსიპედები ველორამა კარბონი, ველოპედალი. უნდა აკმაყოფილებდეს საერთაშორისო ფედერაციის სტანდარტებს.	1 წელი
2	კრივის რინგი 6X6 საშეჯიბრო	რინგის შიდაპერიმეტრი 6X6, მთლიანი კომპლექტი 4 თოკიანი. სტანდარტული.	2 წელი
3	კრივის ტომარა	წონა 40-60კგ, სიმაღლე 1,20 ან 1,50 სმ-მდე, ტომრის დიამეტრი 30 სმ-დან ზემოთ.	
4	კრივის ხელთათმანი	წონა 12 უნცია, 9 წყვილი წითელი და 9 წყვილი ლურჯი ფერის კუთხეების მიხედვით, 2 წყვილი 14 უნციანი 1 წყვილი წითელი და 1 წყვილი ლურჯი (მძიმე წონებისთვის).	
5	კრივის სავარჯიშო თათი	სტანდარტული, საშეჯიბრო.	
6	საჭიდაო ხალიჩა 12X12	12X12, 5-6 სმ სიმაღლის, 72 ცალი ლეიბი კომპლექტში, 1 ც. ლეიბი 2X1, ლეიბზე გადასაფარებელი ხალიჩა უნდა იყოს გადასაწებელით. გათვლილი საერთაშორისო შეჯიბრებებისათვის, ლიცენზირებული ჭიდაობის საერთაშორისო ფედერაციის მიერ.	2 წელი
7	საჭიდაო ხალიჩა 10X10	10X10, 5-6 სმ სიმაღლის, ლეიბზე გადასაფარებელი ხალიჩა უნდა იყოს გადასაწებელით. უნდა აკმაყოფილებდეს საერთაშორისო ჭიდაობის ფედერაციის სტანდარტებს	2 წელი
8	მშვილდის კომპლექტი	მხრები 68-40 (2 წყვილი), 68- 42 (2 წყვილი), 70-42 (2 წყვილი) 70-40 (2 წყვილი) შემადგენლობა კარბონი-ფაიფური, მშვილდის სახელური (4 ცალი) 25-იანი, კლიკერი (8 ცალი) 0,25 იანი, კარბონის, ისრის ფრთები (4 პაკეტი), ისრის კუდი (4 პაკეტი), ისრის წვერი (4 პაკეტი), შემადგენლობა ფოლადი, ისარი 470/ც-5 (1 კომპლექტი), ალუმინი და კარბონი, ისარი 570/ც-5 (1 კომპლექტი), ალუმინი და კარბონი, ისარი 780/ც-5 (1 კომპლექტი), ალუმინი და კარბონი, ისარი 780/ც-5 (1 კომპლექტი) ალუმინი და კარბონი. ზამბარა (4 ცალი) შემადგენლობა ალუმინი, რკინა, ისრის დასადები თარო (40 ცალი), ამორტიზატორის გადამყვანი (4 ცალი) შემადგენლობა კარბონი, რკინა. ამორტიზატორის დამაგრებელი (4 ცალი) შემადგენლობა კარბონი, ამორტიზატორი პატარა (12 ცალი) შემადგენლობა კარბონი, პატარა ამორტიზატორების ბალანსირი, (12 ცალი), ამორტიზატორი დიდი (4 ცალი) შემადგენლობა კარბონი, დიდი ამორტიზატორის ბალანსირი (4 ცალი), სამიზნე rc520, (4 ცალი) შემადგენლობა კარბონი, ინვენტარის ჩასაწყობი ყუთი შემადგენლობა მკვრივი პლასტმასი, ლარის დასახვევი ძაფი (4 ცალი), სტანდარტული მაღალი ხარისხის, ლარის ძაფი (4 ცალი) სტანდარტული მაღალი ხარისხის, ხელის დამცავი (4 ცალი) შემადგენლობა პლასტმასი. მკერდის დამცავი (4 ცალი) შემადგენლობა ტყავი და ბადე, სათითური (4 ცალი) შემადგენლობა ალუმინი და ტყავი უმალესი ხარისხის, ისრის ჩასაწყობი (4 ცალი) შემადგენლობა ტყავი. გათვლილი საერთაშორისო შეჯიბრებებისათვის, უნდა აკმაყოფილებდეს საერთაშორისო ფედერაციის სტანდარტებს.	1 წელი
9	ძალოსნობის ღერძი კომპლექტით	შტანგა ოლიმპიური, ღერძის სიგრძე 220 სმ. 20 კგ წონა, შტანგის საერთო წონა 190 კგ. გათვლილი საერთაშორისო შეჯიბრებებისათვის, უნდა აკმაყოფილებდეს საერთაშორისო ფედერაციის სტანდარტებს	2 წელი
10	ძალოსნობის ფიცარნავი	სავარჯიშო ფიცარნავი 3X3	2 წელი
11	ფეხბურთის ბურთი	4 ზომა -40 ცალი, (წონა 370-425 გრ; დიამეტრი 63,5-66 სმ) 5 ზომა - 60 ცალი (წონა 410-450 გრ; დიამეტრი 68-70 სმ). კამერა ლატექსის, კერვა თერმული მასალა პოლიურეტანი. ბურთები უნდა აკმაყოფილებდნენ ფიფას სტანდარტებს.	
12	კალათბურთის ბურთი	ზომა N7 დონე პროფესიონალური, მასალა მიკროფიბრა და ნეილონი, წებოთი შეკრული. ბურთები უნდა აკმაყოფილებდნენ საერთაშორისო ფედერაციის სტანდარტებს.	
13	რაგბის ბურთი N5	დონე - სამატჩო, მასალა - რეზინა, ხელით შეკერილი, უნდა აკმაყოფილებდეს IRF სტანდარტებს.	
14	ფრენბურთის ბურთი	კლასიკური 65-67 დიამეტრის, 260-280 გრ, ფერი ლურჯი და ყვითელი, ტყავის (სინთეტიკური). ბურთები უნდა აკმაყოფილებდნენ საერთაშორისო სტანდარტებს.	

15	ხელბურთის ბურთი	N1 გარშემოწერილობა 50-52 სმ წონა 290-330 გრ. -20 ცალი; N2 გარშემოწერილობა 54-56 სმ წონა 325-375 გრ. -30 ცალი; N3 გარშემოწერილობა 58-60 წონა 425-475 გრ. -10 ცალი; ბურთები უნდა იყოს სპეციალური სინთეტიკური მასალისგან, რომელიც არ უნდა იყოს პრიალა და ხელში არ უნდა სრიალებდეს. ბურთები უნდა აკმაყოფილებდნენ საერთაშორისო სტანდარტებს.	
16	წყალბურთის ბურთი	ბურთები N6 დიამეტრი 6,71, წონა 400-450 გრ, რეზინის. ბურთები უნდა აკმაყოფილებდნენ საერთაშორისო სტანდარტებს.	
17	რაპირის ელექტრო ღერო საშეჯიბრო	სტანდარტული, გათვლილი საერთაშორისო შეჯიბრებისთვის, უნდა აკმაყოფილებდეს FIE-ს სტანდარტებს.	1 წელი
18	რაპირის სავარჯიშო ღერო		
19	დაშნის ელექტრო ღერო		
20	დაშნის სავარჯიშო ღერო		
21	დაშნის ელექტრო შნური		
22	რაპირის ელექტრო შნური		
23	ხმლის ელექტრო შნური		
24	ხმლის ღერო		
25	ხმლის გარდე		
26	რაპირის გარდე		
27	დაშნის გარდე		
28	ფარიკაობის ხელთათმანი		
29	დაშნის დამცავი		
30	დამცავი მკერდის		
31	დამცავი უნივერსალური		
32	რაპირის, დაშნის სახელური		
33	მუზარადი		
34	რაპირის ელექტრო ქურთუკი		
35	ხმლის ელექტრო ქურთუკი		
36	ჩოგბურთის მაგიდა	პროფესიონალური ჩოგბურთის მაგიდა დახურული დარბაზისათვის, ფეხების სიმაღლის რეგულირებისა და მობილური ტრანსპორტირების სისტემით, მყარი და მდგრადი კონსტრუქციით, რაც უზრუნველყოფს საიმედოობას და უსაფრთხოებას თამაშის დროს, ზედაპირის ანტიბლიკური საფარით. გათვლილი საერთაშორისო შეჯიბრებისთვის, რომელიც უნდა შეესაბამებოდეს საერთაშორისო ფედერაციის სტანდარტებს.	2 წელი
37	ჩოგბურთის მაგიდა	ნახევრად პროფესიონალური ჩოგბურთის მაგიდა დახურული დარბაზისათვის, რომელიც უნდა შეესაბამებოდეს საერთაშორისო ფედერაციის სტანდარტებს.	2 წელი
38	ბატუტის კომპლექტი	ოლიმპიური სისტემის საშეჯიბრო ბატუტის მთლიანი კომპლექტი (პრემიუმ 4X4); დაკეცილ (ტრანსპორტირება) მდგომარეობაში: (321x80x220 სმ) გაშლილ მდგომარეობაში (520 x 305 x 115 სმ) წონა 265 კგ ოვალური კარკასი: 520 x 305 x 115 სმ სპეციალური მოცინკული ფოლადი; გორგოლაჭებიანი ფეხები: 2 ცალი სპეციალური მოცინკული ფოლადი; ბადე: (426 x 213 სმ) 4 x 4 მმ ფართო ნეილონის ზოლები; ფოლადის მოცინკული ზამბარები; ოვალური კარკასის დამცავი: შთამნთქმელი და სტაბილური ჩარჩო ბალიშები; სადაზღვევო პლათფორმები: 2 ცალი ფოლადის მილის, ოვალურ კარკასზე მისამაგრებელი (185x265x115 სმ), წონა 1 ცალი 45 კგ; უსაფრთხოების ლეიბი: 2 ცალი, ოვალურ კარკასზე მისამაგრებელ პლათფორმებზე დასადგამი, 300 x 200 x 20 სმ, მისამაგრებელი-მოსახსნელი 300 x 40 x 20 სმ, დამზადებული მაღალი ხარისხის PE-ქაფის და სტაბილური PVC, წონა 1 ცალი 42,50 კგ; სადაზღვევო ლეიბი, ერთი ცალი 125 x 175 x 14 სმ, დამზადებულია PE-ქაფის და PVC;	2 წელი
39	ტაეკვონდოს საშეჯიბრო სისტემა	ელექტრო ჟილეტი N2, N3, N4, N5 2-2 წყვილი (16 ერთეული ჟილეტი), ტერფზე ჩამოსაგმელი ელექტრო სენსორული დამცავი 30 წყვილი, მუზარადი თავის დამცავი 8 ცალი, სისტემური პროგრამით	2 წელი

		უზრუნველყოფილი ლეპტოპი თან უნდა ახლდეს ბლუთუზის მოწყობილობა (ლეპტოპი 1 ერთეული ბლუთუზი 2 ერთეული) ჯოისტიკი გვერდითი მსაჯებისთვის 4 ერთეული, პლაზმური ტელევიზორი დიაგნალი 1,50 სმ ერთი ერთეული, გადამღები ვიდეო კამერა 1 ერთეული, ელექტროჟილეტების საგანგებო დამტენი მოწყობილობა (2 ერთეული), აკუმულატორი 16 ერთეული. საერთაშორისო ტურნირის ჩატარებისათვის აუცილებელი ელექტრონული სისტემა. გათვლილი საერთაშორისო შეჯიბრებებისთვის, ლიცენზირებული საერთაშორისო ფედერაციის მიერ.	
40	პროფესიონალური თხილამურები (გიგანტური და სპეციალური სლალომი)	საერთაშორისო ფედერაციის მიერ აღიარებული სტანდარტების შესაბამისი. 160- სმ სიგრძის 10 ცალი, 165 სმ სიგრძის 10 ცალი, თავისი ჯოხებით.	2 წელი
41	ადმოსავლური ორთაბრძოლების ტატამი	ტატამის სიგრძე და სიგანე შეადგენს 10X10 მეტრს, სისქე 4 სმ. 2 ფერის ზედა მხარე ლურჯი, ქვედა მხარე წითელი.	2 წელი
42	ბალახის ჰოკეის ყვანჭი	ინდორ ჰოკეის ყვანჭები -სულ 15 ცალი. 36,5 ზომა 7 ცალი -37,5 ზომა 8 ცალი, წონა L ან M, მაქსიმალურად ოვალური თავით, შემადგენლობა კარბონის, ბალანსის პუნქტი 250 მმ, 1 ცალი მეკარის ყვანჭი სპეციალურად მოხრილი, შემადგენლობა კარბონის 36,5 M ზომის, ბალანსის პუნქტი L 36 სმ, ჰოკეის ყვანჭები -15 ცალი 37,5 ზომა 8 ცალი, წონა L ან M, მაქსიმალურად ოვალური თავით, კარბონის, ბალანსის პუნქტი 300 მმ, 1 ცალი მეკარის ყვანჭი სპეციალურად მოხრილი, კარბონის, 37,5 M ზომის ბალანსის პუნქტი L 36 სმ.	1 წელი
43	ბალახის ჰოკეის ბურთი	ინდორ ჰოკეის ბურთები 9 ცალი წონა 150-160 გრ, დიამეტრი 224–235 მმ, შემადგენლობა პლასტმასი და კაუჩუკი. სტანდარტული. გლუვი ზედაპირით. ჰოკეის ბურთები 9 ცალი წონა 150-160 გრ, შემადგენლობა პლასტმასი და კაუჩუკი. სტანდარტული. ჩაღრმავებული.	
44	ჭადრაკის დაფა ფიგურებით	საჭადრაკო დაფა ჭადრაკის ფიგურებით, თავისივე მრგვალი ჩანთით. დაფა უნდა იყოს პლასტიკური მასალისგან, რომელიც იგორგლება და იდება თავისივე ჩანთაში. დაფის ზომა 45 სმ X 45 სმ, უჯრის ფერი – თეთრი და ყავისფერი, „მეფის,, სიმაღლე – 84 მმ.	2 წელი
45	ჭადრაკის ელექტრონული საათები	ჭადრაკის პროფესიონალური ელექტრონული საათი, რომელიც არის დამშვებული და აპრობირებული ფიდე–ს მიერ.	2 წელი
46	ჭადრაკის სადემონსტრაციო დაფა	სადემონსტრაციო ხის დაფა, თუნუქის ნაჭრით გადაკრული, დაფის ზომა – 70 სმ X 70 სმ , უჯრის ზომა 7,7 სმ. ჭადრაკის ფიგურები უჯრის შესაბამისი ზომის, მისაკრავი მაგნიტით.	2 წელი
47	სავარჯიშო ბაგირი	ბაგირი უნდა იყოს სტანდარტული ცოცვისთვის, ბამბის.	1 წელი
48	სავარჯიშო ჩუჩელა	ფიტულები (ჩუჩელა) სტანდარტული, 30 კგ - 3 ცალი, 20 კგ - 5 ცალი, 15 კგ - 5 ცალი.	1 წელი
49	ელექტრონული საათი (სამთო სათხილამურო)	ელექტრო საათი სტარტი-ფინიში, 300 სიმძლავრის მუხსიერება, 2 ცდა, დისტანციური.	1 წელი
50	ფიზმომზადების ტრენაჟორის კომპლექტი	კომპლექსური ტრენაჟორი მრავალფუნქციური მყარი მეტალისაგან დამზადებული მინიმუმ 120 კგ წონის სიმძიმეებით, ველოტრენაჟორი სიჩქარეების ელექტრონული რეგულირებით, 10 სიჩქარით, 130 კგ ამტანობით, სარბენი ბილიკი ორძრავიანი, მინიმუმ წონა 140 კგ. (საკლუბო), შტანგის საწოლი მრავალფუნქციური სავარჯიშო, შტანგა ოლიმპიური 120 კგ-იანი, განტელი ქრომირებული 5-10-15-20 კგ-ები ასაწყობი ან მთლიანი.	2 წელი
51	მკლავჭიდის მაგიდა	მაგიდის ფეხები უნდა იყოს რკინის, სიმაღლე 103-105 სმ , სიგანე 95-65, ბალიში 18სმX18სმX5სმ, რკინის სახელურის ზომები: 15სმX3სმ, ფიქსატორის სიგანე 31 სმ, ფიქსატორსა და ბალიშს შორის სიმაღლის სხვაობა უნდა იყოს 5-6 სმ. რომელიც უნდა შეესაბამებოდეს საერთაშორისო ფედერაციის სტანდარტებს.	2 წელი

პრეტენდენტის რეკვიზიტები

სამართლებრივი ფორმა:

საფირმო სახელწოდება:

იურიდიული მისამართი:

ფაქტიური მისამართი:

საიდენტიფიკაციო კოდი:

ელექტრონული ფოსტის მისამართი:

ტელეფონის ნომერი:

მომსახურე ბანკის დასახელება:

მომსახურე ბანკის მფო:

ანგარიშსწორების ანგარიშის ნომერი:

ხელმძღვანელობაზე უფლებამოსილი პირი
(სახელი და გვარი)

ხელმძღვანელობაზე უფლებამოსილი პირის
მობილური ტელეფონის ნომერი:

(შევსების თარიღი)

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავითში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვწერო ამ აფიდავითს და წარვადგინო ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულია კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავცანი ამ აფიდავითის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავითი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავითით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.